

Musa cabar Pas tentang komunis cara terang

ALUR SETAR, Khamis — Datuk Musa Hitam hari ini mencabar Pas supaya secara terbuka menyeru rakyat menyokong usaha-usaha Kerajaan sekarang jika parti pembangkang itu benar-benar hendak menentang anasir-anasir komunis secara berdepan.

Katanya, selagi parti itu menggunakan agama secara sensitif untuk menakutkan orang-orang Melayu supaya jangan menerima proses pembangunan, selagi itulah Pas akan menyeyjikan semangat mereka untuk maju dan menyebabkan jurang perbezaan ekonomi di kalangan masyarakat semakin jauh.

"Keadaan itu akan membawa kita kepada anasir-anasir komunis untuk masuk ke rumah kita," kata Timbalan Perdana Menteri ketika merasmikan Konvensyen Umno Kedah di sebuah hotel di sini.

Bellau menimbalkan kenyataan Timbalan Ketua Polis Ne-

gara, Tan Sri Amin Osman di Kota Baharu baru-baru ini tentang anasir komunis yang menggunakan nama-nama tokoh Pas termasuk Dr Burhanudin untuk kepentingan mereka.

"Berikutan kejadian itu Pas dengan pintar sekali membuat kenyataan meluahkan rasa keselnya terhadap Parti Komunis Malaya kerana menggunakan nama penganjur mereka dan berkata akan terus menentang komunis.

Ajaran Islam

"Pada saya cara yang paling baik bagi Pas menentang anasir komunis ialah dengan cara terbuka menyeru rakyat menyokong usaha-usaha kerajaan sepenuhnya lebih-lebih lagi kerajaan di bawah pimpinan Datuk Seri Dr Mahathir Mohamad.

"Walau apapun dikatakan oleh Pas, tidak boleh dinafikan proses pembangunan yang dipelopori oleh Datuk Seri Dr

Mahathir adalah mengikut ajaran agama Islam," katanya.

Datuk Musa menegaskan jika Pas terus menanam perasaan takut di dalam hati orang-orang Melayu untuk menerima proses pembangunan kerajaan, akibatnya mereka akan ketinggalan dalam pembangunan yang pesat ini.

Bellau mengingatkan rakyat tentang cabaran-cabaran yang sedang dan akan dihadapi mereka.

Satu daripadanya adalah anasir-anasir komunis yang akan sentiasa berusaha merebut kuasa di negara ini.

Di samping itu terdapat parti-parti pembangkang seperti Pas yang juga ingin merampas kuasa.

Turut hadir di majlis perasmian itu ialah Datin Maria Musa, Menteri Besar Kedah, Datuk Sri Syed Nahar Shahabudin dan Menteri Pembangunan Negara dan Luar Bandar, Datuk Sanusi Junid.



● SEBAHAGIAN dari mereka yang 'kena tipu' itu.

PULAU PINANG, Khamis.—Seramai 22 orang warganegara Bangladesh yang dipercayai kena tipu terkandas di sini setelah meninggalkan tanah-hair mereka penghujung bulan Mac lalu untuk mendapatkan peluang pekerjaan di Malaysia dan Brunei.

Mereka dijanjikan kerja oleh sebuah agensi pekerjaan dengan gaji antara \$800 hingga \$1,000 sebulan. Tetapi selbia di sini mereka mendapati agensi yang menjanjikan pekerjaan itu 'lesap'.

Mereka kemudian menemui Yang Dipertua Persatuan Pengguna Pulau Pinang Enrek S M Mohamed Idris pagi ini, untuk meminta pertolongan agar mereka dapat kembali ke Bangladesh.

22 rakyat Bangladesh 'kena tipu' terkandas

Mereka yang terkandas itu masing-masing berumur antara 22 hingga 35 tahun.

19 orang dari mereka telah berumah tangga. Kebanyakannya datang dari beberapa kawasan luar bandar di Bangladesh.

Seorang jurucakap mereka, Enrek Khajar Mohamed Ullah, 24 tahun, seorang juru elektrik memberitahu, mereka membayar sebanyak 30,000 taka (wang Bangladesh) kira-kira \$3,000 wang Malaysia kepada agensi tersebut sebelum berlepas dari Dhaka.

Katanya agensi terse-

but menjanjikan pekerjaan kepada mereka dengan gaji antara \$800 hingga \$1,000 serta kemudahan lain termasuk tempat tinggal.

Menurutnya lagi, kerana percayakan janji manis agensi tersebut kebanyakan mereka telah menjual rumah, tanah, lembu dan lain-lain untuk membayar kepada agensi itu bagi membolehkan mereka tiba di sini.

Mereka berlepas dari Dhaka dengan kapal terbang menuju Bangkok. Dari situ ke Haadyai,

Katanya, dari Haadyai

mereka menaiki bas ke Pulau Pinang dan ditempatkan di sebuah hotel di Lebuh Market di sini.

Sejak dari itu mereka dibenarkan makan di sebuah kedai makanan di Lorong Chulia. Tuan punya kedai itu, Enrek Mohamed Madina, 40 tahun berkata sehingga ini hutang makanan mereka yang belum dibayar kira-kira \$2,000.

Yang Dipertua Persatuan Pengguna di sini telah menghubungi Penguahaya Tinggi tersebut pagi tadi tetapi pegawai itu tidak ada di pejabatnya.